


TNC 1749 / ~~7241-42~~ <sup>14427</sup>

3

29505







卷之三

天象占

天雨占

地象占

五石并色占

卷之二

日論類叙

日暈異占

日食占

日四時食

日食

日食

月食

月食

卷之一

天象

地象

天雨

五石

日食

月食

觀象玩占甲集卷之一至卷之三

卷之一

天體論

天變異占

天雨異占

地論變異占

山川變占

土石井邑塚墓雜占

卷之二

日論總叙

日變異占

日食占


日四時食

日十二月食  
日以十干十二支日食

日與月星並見

日月行道  
日月食說

卷之三



月論總叙

月變異占

月食占

月五星干犯占

日月食占

月暈五星並見

流星客犯月占

日月食占

日食占

日變異占

日食占

日食占

卷之二

此論變異占

山川變占

正凶井子家墓難占

天體論

天變異占

天雨異占

卷之一

觀象玩占甲集卷之一至卷之三

觀象玩占卷之一

天體論

天體論



古之言天凡有八家一曰渾天即今所載張衡靈憲是也二曰

宣夜絕無師學三曰蓋天周髀所載四曰昕天姚信所說五

曰窮天虞嘗所擬六曰安天虞喜所述七曰方天王充所論

八曰四天姚胡寓言獨渾天一家最為近理古李淳風歎取

靈憲載之乙巳占首其文曰昔在王將步天路用定靈執尋

諸本元先准之于渾體是為正儀立度而皇極有遠違也樞

運有遠稽也乃建稽常聖人無心因茲以生心故靈憲作典

曰太素之前幽清玄靜寂寞默不為象厥中惟虛厥外惟無

如是者永久焉斯謂溟滓蓋乃道之根也既是無有太素如  
萌而未兆并氣同色混不分故道德之言出有物渾成先  
天生其本體固未可得而形也其遲速固未可得而化也如  
是者又水火焉斯為龐鴻蓋乃道之幹也道幹既育有物成  
體於是元氣剖判剛柔始分清濁異位天成於外地定於內  
天體於陽故圓以動地體於陰故平以靜動以行施靜以合  
化烟鬱其精昔育庶類斯謂天元蓋乃道之實也在天成象  
在地成形天有九位地有九域天有三辰地有三形有象可  
効有形可度情性萬殊旁通感薄自然相生莫之能紀於是  
人之精者作聖寔始紀剛經天之八極緯地之四維經二億

三萬二千三百里地則短減千里東西則廣增千里自地至  
天半於八極則地之深亦如之通而度之則是渾矣將覆其  
數用重勾股懸天之景薄地之儀皆移千里而差一寸得之  
過此而往者未之可知者宇宙之謂也宇之表無極宙之端  
無窮天有兩儀以舞道中其可覩樞星是也謂之北極在南  
者不着故聖人弗之名焉其世之逆九分而減二陽道左迴  
故天運左行有驗于物則人氣在羸形左縶也天以陽迴地  
以陰淳是故天致其動稟氣舒光地致其靜待施俟明天以  
順動不失其中則四序順至寒暑不忒死生有節故品物用  
生地以靈靜作合承則天清化茂養四時發育故品物用成

凡至大莫若天至厚莫若地至質者曰天地而已至多莫若  
水之精為周于天而無別焉水之精為周于天而無別焉  
次質也地有山嶽以宣其氣精種為星之也者體生於地精  
成於天列居錯峙各有攸屬微為皇極之居太微為五常之  
庭明堂之房大角有席天市有座蒼龍連蜷於左白虎猛踞  
於右朱雀奮翼於罔靈龜圈首於後黃帝軒轅於中六擾既  
畜而狼蛇魚龜罔有不具在野象物在朝象官在人象事於  
是備矣懸象著明莫大乎日月其經當天周七百三十六分  
之一地廣二百四十二分之一日者陽精之宗積而成兔有  
四分陰之精其數偶夫日譬猶火月譬猶水火則外光水則

含影故月光生于日所照魄生于日之所蔽當日則光盈就  
日則光盡眾星被曜因水轉光當之冲光常不合者蔽於地  
是謂闇虛闇虛在星之微遇月食日之薄地闇其明也繇闇  
視明之無所屈是以太望之若大方於中天之地全明瞻闇  
之還自奪故望之若小夫當夜而揚光在晝則不明也月之  
與夜與日同而差微星則不然強弱之差也眾星列布其以  
神著有五列焉是謂三十五名一居中央謂之北斗動變據  
占寔司土命四布於方為二十八宿日月運行歷示吉凶五  
位踵次示禍福則天心於是見矣中外之官常明者百二十  
有四可名者三百二十為上星千五百而海外之占未存焉



微星之數蓋萬一千五百二十庶物蠢蠢咸得繫命不然何以總而理諸天三光刑存而有似珠玉守積存麗其職而宣其明及其哀也神歆精教於是乎有損然星則奔星之所墜至則石矣文曜麗乎天具動也七日月五星是也周旋右迴者天道貴順也近天則遲遠天則速行則屈則留迴則逆則遲迫于天也行遲者觀之於東屬陽行速者視之於西屬陰日旦月夕此配合也攝提熒惑鎮星候晨見附于日也太白辰星候昏見明于月也三陽二陰參天兩地故男

女取則焉方星巡鎮必因常度苟或盈縮不逾於次故有司作使太白老子四星周伯王逢絮芮各一星錯乎五緯之間其見無期其行無度審而察之然後吉凶宜用其祥可量也蔡邕曰古之言天者有三家一曰宣夜二曰蓋天三曰渾天宣夜之學絕無師法周髀天術數且存考驗天狀多所違失獨渾天近得其情今史官臺所用銅儀即其法也立八尺之圓體具天地之形以正黃道察發欽以行日月步五緯精深微妙百代不易之道也

今按舜典在璇璣玉衡以齊七政則唐虞之時已用渾天之法其他妄說不待攻而自破矣王蕃曰天地之體狀如鳥卵天色地外猶殼之裏黃也周旋無端之形渾然故曰渾天也周天三百六十五度五百八十

九分度之百四十五半覆地上半在地下其二端謂之南北  
極出地三十六度南極入地三十六度兩極相去一百八十  
二度半強繞北極經七十二度恒見不隱謂之上規繞南極  
七十二度恒隱不見謂之下規赤道帶天之絃去兩極各九  
十一度少強黃道者日之所行也半在赤道外半在黃道內  
與赤道東交于角五度少弱西交於奎十四度少強其出赤  
道外最遠者二十四度斗二十一度是也是為冬至日之所  
在其入赤道內最遠者二十四度并二十五度是也是為夏  
至日之所在冬至日在斗二十一度去極一百十五度少強  
是日最近于南去極最遠故景長黃道至斗二十一度出辰

入申晝行地上一百四十六度少強故日短夜行地下二百  
一十九度少弱故度長自南至之後漸去而北故其景漸去  
而短日行地上分数漸多夜行地下分数漸少故日漸長而  
夜漸短也稍北而極至于夏日日在東井二十五度去極六  
十七度少強是日最近於北去極最近故景最短黃道至井  
二十五度出寅入戌故日出寅入戌晝行地上二百一十九  
度少弱故日長夜行地下一百四十六度少強故夜短自北  
至之後漸去而南故其景漸去而長日行地上分数漸少夜  
行地下分数漸多故日漸短而夜漸長也稍南而極至於冬  
至又復如初斗二十一度并二十五度南北相應四十八度

春分日在奎十四度稍強炁分日在角五度少強此黃道赤道之交中也去極九十一度少強南北處斗二十一度并二十五度之中故景居二至長短之中奎十四度角五度黃道出卯入酉故日出卯入酉也晝行地上夜行地下俱一百八十二度見之漏五十刻不見之漏五十刻謂之晝夜全天地之晝夜以日出為分人之晝夜以昏明為限日未出二刻半而明未入二刻半而昏故損夜五刻以晝是故春炁分晝漏五十五刻三光之行有常術家以筭求之各有全異故諸家曆法參差不一洛書甄曜度春考異郵皆云周天一百七萬一千里為度二千九百三十二里七十一步二尺七寸四分

四百八十七分之三百六十二冬至日之所在六萬里地極下地高于外衡地亦萬里外衡高於地極下地二萬里地隆高相從日去地常八萬里日麗天而平轉分冬夏之間日所道行為七衡六間每衡周徑里數冬依筭術用鈎股重差推晷景以測遠地之數皆得于表也

天變異占  
天忽變色是謂異常四夷來侵不出八年有兵戰

天色赤黃如火濁氣四塞天子蔽賢絕道人主絕世京房曰聞善不與滋謂不知厥異黃谷龍輦殿災不嗣

天日入時忽有赤光燭地行人有影有反者

漢武帝建始元年四月辛丑夜天西北有火光壬寅晨有大風  
從西北起雲氣赤黃四塞竟日是時大將軍鳳始用事王氏  
兄弟五人皆封列侯卒移漢祚買動直入主與女言或曰聞  
天晝晦臣制君晝晦見星國亡不出人幸其共短  
天沉陰日月無光晝不見日夜不見星有雲障而無雨此謂君  
臣俱有陰謀若雨敵相當則為陰相圖議若晝陰而夜月出  
為君謀臣夜陰而晝日出為臣謀君夏侯勝曰天文陰而不  
雨臣下有謀上劉向曰王者失中不敵其明則久陰夏子問  
吳孫亮太平三年自八月沉陰不雨四十餘日是時欲誅孫綝  
謀洩九月戊午綝以兵圍宮廢亮為會稽王五六連里致

隨開王二十年十月久陰不雨獨孤后與楊素共譖太子勇廢  
之天書有言

天裂陽不足也是謂臣強下將害上國欲分裂其下王當之洪  
範傳曰作亂之臣無道之君欲裂其國也天書有言

天裂見人兵起國亡天書有言

天裂下人而言者善惡如其言天書有言

天裂見牛馬豕天子庶子民皆憂天書有言

天裂見光血滂流天書有言

漢孝惠帝二年天開東北廣十餘丈長二十餘丈其時呂后臨  
朝午位卒有兵亂天書有言

晉惠帝元年二年天西北大裂是時人主昏蒙妃后專制天安  
二年八月庚午天中裂為二無雲有声如雷者三是諸王迭  
專威命晉國遂亡天下分裂是其應矣

穆帝升平五年八月己卯夜天中裂廣三四丈有声如雷野雉  
皆鳴是後哀帝荒疾海西失德皇太后臨朝太宗總萬機桓  
溫專權威震內外陰氣盛陽氣衰

梁武帝太清二年六月天裂于西北長十丈濶六丈光出如雷  
其声如雷十二月戊申天西北裂有光如火卒有侯景之亂  
天鳴有声至尊憂驚此亂之所主也或曰天鳴有声君死民哭  
京房曰萬姓勞厥妖天鳴世主失守不出三年一日天鳴如

風水相薄亂臣作人主憂一日天鳴其年有立王一日刑殺  
失當民流亡

晉元帝太興二年八月戊戌天鳴東南有声如風水相薄三年  
十月壬辰又鳴至甲午止其後王敦入石頭城王師敗績帝  
屈辱于強臣既而晏駕天耻不雪

晉安帝隆安五年天東南鳴六年九月天東南又鳴其後桓玄  
篡晉祚卒移於宋義熙元年八月天鳴東南是時安帝雖反  
正而兵革歲動衆庶勤勞也

陳宣帝大建十二年九月癸未夜天東南鳴有声如風水相激  
三夜乃止十四年八月癸未天鳴南声如風水相激己酉夜

亦如之九月辛亥夜天開自西北至東南其內有聲如虫飛  
漸移西北

後主至德九年九月丁巳天鳴東南有聲如虫飛十二月戊午  
夜天開自西北至東南其內有青黃雜色隆之若雷聲

隋開皇二十四年四月天鳴有聲如瀉水自南而北其年十月  
廢太子勇為庶人

唐玄宗天寶十四年五月天鳴有聲如雷至十一月而安祿山  
反昭宗天復二年十月天鳴東北有聲如雷明年而帝蒙塵

天雨異占  
凡天雨下物非人間所見者皆大兵之兆其灾見所至國分

天雨土君失封五行傳曰是謂黃青土失其性也百姓勞苦而  
無功京房曰內淫亂百姓勞不肖者祿則天雨土天雨土下  
人民叛民人負子東西莫知其鄉京房易飛侯曰主

不安外戚有謀  
天雨石為政者質信不施偽詐妄行國君死亡一曰天雨石民  
流亡兵起君僂其氏曰無雲而雷墜石于地大及一丈形如  
鷄子兩頭銳名曰天鼓其所下之邦必有大戰伏尸數萬不

可救近期三年遠期七年

天雨沙民飢君失國

天雨灰君暴虐無道則天雨灰其國亡殷紂之時天雨灰其後

又平有牧野之敗以亡  
宋襄公時隕石於宋五其後與楚會於孟身執國伐又戰而敗  
於泓傷股而歸竟死宋遂大弱

墨子曰商紂不德十月雨土於亳

梁武帝大同元年天雨土二年雨反其色黃是普帝溺於佛教  
天捨身為奴卒有侯景之亂

後周大義二年天雨細黃土移時乃止先是宣帝昏狂日甚其  
年崩靜帝立禪于隋

隋開皇二年京師雨土是時撥卒起仁壽宮頽山堙谷死者大  
半其後諸王各謀逆亂土失其性也

天雨禽獸是謂不祥不出三年其下兵起一曰民流亡有喪

天雨人是謂凶殃不出一紀天下易主

天雨魚鱉民流亡臣專政國有兵喪魚者鱗虫木於水而天之  
水失其性

漢成帝時天雨魚長五寸以下是時漢道陵夷王氏專政蜀李  
期時天雨魚子宮其色黃期為李壽所廢

天雨虫傳曰人君暴虐不親骨肉而親他人虫從天而墜其國  
兵灾並起劉向曰刑法暴虐其后貪饕無厭則天雨虫

魯文公三年秋雨蚤于宋是時宋暴虐其后國亂殺大夫而非  
其罪是其應也

天雨骨是謂陽消王者德衰政令不行倭人進用不出三年有  
內兵爭京房易飛侯曰師將破亡一日其國大飢人相殺食  
天雨膏將帥敗國有急兵一日君暴虐臣多貪賢士遠去又  
曰天雨膏臣無道  
天雨肉天不享其德將易其君一日君無道臣專政有兵亂國  
進非厥咎天罰故天雨血茲謂不親民有怨心不出三年亡  
其宗人又曰功臣棄戮奸人用天雨血或曰天雨血則不止  
人君不得久居其位又曰民勞苦則天雨血其君死于兵亦易

妖占曰王者不親九族則天雨血

天雨筋其國大飢

天雨毛邪臣進賢臣逃貴臣出走京房曰天雨毛貴人  
憂國易政主征役煩與戶口彫散國飢民流下人相  
食一曰大風為災

天兩羽君德不道逆施天下天鏡曰天兩毛羽有喪不  
出九年兵起京房易飛侯曰天兩毛羽大風為災  
齊湣王時天兩血于羸博之間沾衣于時燕師入齊王  
出走為淖齒所殺

漢惠帝二年天兩血于宜陽一項所時諸呂用事說



行妄殺三皇子建之非嗣反呂太后崩大臣共滅諸呂  
僵尸流血京房曰歸獄不解茲謂進非厥咎天兩血  
茲謂不親民有怨心不出三年亡其宗人又曰佞人祿  
功臣戮天兩血

哀帝建平四年四月山陽兩血廣三尺長五寸大者如  
錢小者如麻子後二年帝崩王莽擅權卒移漢祚

和帝建和三年七月北地兩血如狀羊肋或大如手是昔  
梁冀專權枉殺李固杜喬天下冤之梁氏尋亦誅滅  
晉惠帝永康元年三月尉氏兩血是歲正月懷愍太子幽  
于別宮于是王氏成篡禍流天下

愍帝建興元年河東兩血是時五湖並起天下大亂後齊  
河清九年太原兩血明年周師入并州大戰伏尸百  
餘里

漢武帝天光元年天兩白毛三年八月天兩白毛是時征  
役煩興戶口大耗

晉武帝始入蜀兩白毛時益州刺史皇甫晏伐汶山胡牙  
門將張弘因衆怨誣晏反殺之

隋文帝開皇六年京師兩毛如馬尾長者二尺餘短者六七  
寸是年關中旱米粟湧貴

天兩爵錫為飢荒不出三年改易主者爵錫如甘露著樹

白者甘露黃者爵錫

天兩赤雷大有兵起大戰有亡國

天兩如水銀是謂水失其性不出三年兵喪並起國亡失地或

曰天兩物如水銀兵將起與失道之君當之

隋文帝仁壽二年仁壽宮中再兩水銀其後率以亂亡

天兩金鉄是謂刑罰有餘人君殘酷殺無辜不出一年兵起

于朝

天兩錢其國大飢有兵亂或兩于人家其家有大殃

天兩金銀鉄兵將與失道之君當之

獻公十八年兩金櫟陽二十一年與三晉戰于石門斬首六

萬尚首功此始

隋文帝仁壽四年諸州造舍利塔陝州天兩金銀花人以為

佛家之祥未几而漢王諒反煬帝失道二世而亡

天兩絲綿天下有兵喪不出六年大亂

天兩絮兵起國將喪無後

天兩續狀如麻苧脆若地毛大飢人流有積骸

天兩布帛兵喪並起人流無所

天兩墨臣下有陰謀一曰君無道奸臣得志不出

其年國亡

天兩杵曰其國飢

天雨如釜甑歲大豐稔其形如小錢許大或從地中出其中有如小麻黍粟大熟世人謂之蒸餅豐稔徵也

天雨笠國大飢

天雨戟不出三年兵起

凡言天雨器物皆其形似非真此物也曾不見下物如墨雨落地皆成墨水麥遭之者皆腐此即所謂雨墨者也

天雨五谷是謂禾不熟人君賦歛重數故天示戒不出二年國乏糧食京房曰天雨五谷是謂惡祥不出一年人流亡又曰國君專祿失信去賢用佞民無所向則天雨五谷或曰天雨粟不肖食祿三公易位

天雨黍為政者去大人出走他國有相將

天雨草其歲人多兵死墨子曰國君失信專祿去賢

則天雨草京房曰君怙祿信讒臣德衰厥妖天

雨草又曰火失其性則草有妖京房易飛侯曰

天雨草國有殃民破亡

天雨木君臣不和讒臣進用其歲多風五穀傷民多死

一曰人多兵死

天雨花國有喪

天雨孽其國喪咎

漢平帝元始三年正月天雨草其葉相糾結大如彈丸先是

元帝永光三年亦有此自是而漢祚衰矣  
天雨水、失其性有火疫

天兩木冰上陽弛不下通下陰弛不上達故兩木而為之水  
劉向曰水陰之盛而水滯木者火陽貴臣卿大夫之  
象陰氣脅木、先寒故得雨即冰其占為大臣死或謂  
之木介、者被甲之象也

漢安帝時京師兩水是歲梁后崩大將軍梁冀伏誅

天下火焚燒是謂火殃民人逃亡莫知其鄉

天火烧國郭門其地有謀將發兵

天火烧邑城門其邑圍

天火荐烧民舍大兵方起

天火烧山阜民不安其居

天火烧塹五國將亡

天火烧木、奸兵起六月降霜

天火烧牛馬其邑有屠裂

天下火音如雷鼓臣下有謀國君凶

李淳風曰按漢魏時造作宮室過度而頻有天灾其後  
至十三年有二邑並被圍沒即絕其宗社亦天告之驗

也

地論變異占

地震地者積陰以靜為体地動者陰有餘也主弱臣強外戚  
擅權后妃專政陽伏而不能出陰迫而不能入陰易相  
搏故地震動地民不安

春秋潜譚巴曰地震下謀上君憂京房易占曰妖地震驚  
禽獸天子失位地動于宗庙廷邑有叛臣刘向曰地動  
臣不畏君京房曰地動教令從臣下出必有餘荒飢必  
血流地震以六癸陰極之干或在己亥陰陽氣穷之日  
皆主兵起殺僂之事震于陽歲則熟震于陰歲則人  
灾不熟震于陰極亥日則兵飢震于易極己日則有兵而  
歲熟君弱臣強則地震于春夏臣欲篡叛則地震于

秋冬皆陽失而陰盛之兆也

地震驚禽獸京房易妖占曰天子失位一曰米貴物不收  
盜賊起不出三年

地震壞郭京房曰天下亡也

地動蹙室天下兵行

地動有赤水出司馬羣

地動搖木震水波臣專政

地動于宗庙朝廷國有乱臣

地動殺人賊臣為暴

地連動三年其國民流

地動以春歲凶夏動人主憂五谷不熟秋動兵起冬動其邑  
有土工一曰大水

地動有声其地大乱開元占曰春動有声歲不昌夏動有音  
人主喪四月動有音五谷不熟民飢五月動有音人主喪  
民流亡六月動有音老少多死歲惡秋動有音兵起九月  
則殃大冬動有音人主有喪兵起十月動有音邑有土上  
十一月動有音其邑火喪人飢亡十二月動有音其邑兵  
行動十日以上天下起兵

地東西動連十日其地有兵民流地動千里是謂陰盛陽衰  
國有大喪易妖曰不出三年兵地動者民擾也

軍中地動有大戰有反軍易妖曰軍中地動往彼軍利以攻  
擊震于我軍宜固守

地動而拆有急令近臣謀兵革與

正月動主兵事

二月動水灾

三月動人病旱灾

四月五月動兵革起蝗虫

六月動病疾皆流

七月動牛羊疫死

八月動大雪冰凍冷損麥

九月動民安不穩

十月動來年谷貴

十一月動來年人灾

十二月動來年五月有疫灾

八卦動念

從乾至巽動主吳國兵起

從坎至離動閩中兵起

從艮至坤動秦國大亂

從巽至坤動魏國兵起小災

從兌至震動韓國大亂

從震至兌動趙國人災

從艮至離動魯國大熟殺人

從坤至坎動大水

從離至兌動趙國人災

從離至坤動宋國大亂須審其起止占之

周幽王二年西周涇渭洛三川皆震劉向曰以為金木水火沴土者也洎陽甫曰周將亡矣天地之氣不過其序民亂之也陽伏而不能出陰迫而不能升于是有地震今三川實震是陽失其所而填陰也陽失而在陰原必

塞原塞國必失水土演而民用足土無所演而民乏則不亡何待昔伊維竭而夏亡河竭而商亡今周德如二代之季其原又塞必竭川竭山必崩夫國必依山山崩川竭亡之徵也是歲三川竭岐山崩于是有犬戎之禍

地裂傳曰地拆裂者士庶分離大臣專恣地裂有聲天下不寧四方兵起其國易主京房曰地裂陰背陽臣叛君之象也又曰地拆者臣不相附國以喪亡又曰地裂父子分離羗夷叛海中占曰主信諛女子為政刑殺不當則地拆京房曰陰背陽則地拆此人君不親上下不原

刑政不救則骨肉相殘夷狄皆叛又曰地拆者臣不相附天下分離之象也春秋潛譚已曰地裂下分威一曰地裂大水溢

地裂有声天下不寧兵起國易主一曰急兵起

京房曰地劈于邑城毀廢

地劈于朝天下有大兵其邑亡春夏無傷又曰地劈于朝廷

邑分離為數鄉

地劈宮殿社稷亡

地劈于丘塚民人流亡

地劈于市邑其分有殃

地劈見水兵起國主災

地劈于社稷及大祠其下邑有大殃一曰天下大兵

地鏡曰地劈臣下有分離若在城門驕臣從中起有謀兵在

邑社稷天下有大兵市里人居不出三年兵起國憂大盜

王道中絕有分地而居者一曰天下不通

地裂見雜物皆為兵起

地秋裂民流亡

地冬裂其國邑亡

地冬裂五穀貴一曰殺五穀

京房曰易妖占曰地春裂無傷二月三月劈歲熟四

月五月劈五穀豐登人主昌六月劈無傷七月劈有驚駭

兵起八月劈兵大作民亡九月劈殺兵行人主憂亡十月

劈兵起有亡邑十一月劈兵起民大動十二月劈將死

君亡



軍中地拆急徙之不則有大敗

地劈而鳴君不任臣政故令行

地劈有音洶天下動搖傳駟相從

地劈陷五行傳曰地陷者臣下專政人民分離君失其

地天鏡曰地陷天子亡地一曰陰吞陽下相屠一曰主

勢奪地鏡曰地無故自陷天下兵亂大水京房易妖占曰

地陷君亡又曰地陷没人君為臣下所擒一曰地陷没人

君以重賄結怨不出二年有逆臣

地陷成坑或為池不出一年兵興不出三年兵興國憂大逆

人家地自陷其主人亡

地鏡曰地春陷大水魚行人道夏陷其國分有兵亦為非

常之水秋陷大水冬陷有大水一曰地冬春陷民飢京房

易妖占曰地自陷下正月國有大事三月大水且至五月

天下有兵民離其鄉六月大水猝至七月天下兵大行八

月天下動民多流九月天下有亡君十月天下有兵十一

月有水兵且行十二月大水民流傷

軍中地忽自陷主將憂死宜急徙之

地陷生火其地有兵

山無故自陷其地有兵大水

地鳴天下起兵相攻春秋潛譚巴曰地鳴天子不利國政在

頰寺大亂將起

地中洶、有聲京房曰是謂凶祥所愛之子死其地有殃殃地中洶、有邑亡

地燃京房易妖占曰火出地其國天火國君死一曰地出自燃其民殘一曰地燃有亂兵自殺攻殺天文錄曰地燃者陰行陰政臣下自恣終日有害故地出火自燃終以為災也

軍中地忽生火軍敗將死 地生毛天下亂兵起 京房曰地生毛百姓勞五行傳曰金失其性則地生毛亡國之徵易生之象也

地生血京房易妖占曰功臣戮厥妖地生血天鏡占曰地出血亂兵起國為墟京房占曰地生血急去之

地無故如火燃色赤兵大起河圖秘徵曰地赤如丹血流汎汎

地生光地鏡曰地忽生光如火照人其國危亡

春秋潛譚已曰地生光女謁行又曰小人進賢人滅京房易妖占曰王者不顧骨肉厥德衰則地生光

開元占曰敬暉桓顏範被逐之時洛陽城水白馬寺側地光如鏡行人見影小人用事賢滅之驗也

地無故出水成澤地鏡曰天下兵亂大起且有大水京房易

候曰天不雨而地自出泉其國亂從中起

地鏡曰湧泉急出臣為禍害不過三年國有大憂喪

人家中庭湧泉急出無故自出其家有喪

地無故生泉其邑有兵年終米貴

地無故生雜色國亂兵起且有大水米貴

地出郊將軍凶地自生五谷將軍得大道

地忽生赤黃石及黃色物將軍吉戰勝得地

地忽生石礫急徙去之

軍地忽生鉄士卒將軍死

軍地忽生塵有大戰

軍地忽生荆棘軍破將亡

地生肉其國滅亡

軍中地生土錢下有謀

地生面人將飢

地生錢有兵來相攻急去之勿留

地忽生盤石其地可居吉

地自長地鏡曰地忽自長在大道中天下不通

地長邑下其邑治毀

地長市中國有利

地長社稷主者益地

地長洲島益地

地自長如丘壘其上生草木其國失土亡民在春夏秋月則

吉

地卒長有生樹國安有死樹國失地

地土卒踊下人將起

地夏長歲熟

秋長有亡君易地一曰殺六畜

冬長兵動人不安

地長而生樹天下受福

軍地暴長主將戰勝有功封爵邑

街若無故道路自踴高起國有逆臣若逆賊不出三年敵國

未侵民散

漢和帝永元元年七月趙國易地裂京房易傳曰地裂者臣下

分離不肯相從也是南單于衆棄離軍漢軍追討元吳

元年五月癸酉右扶風雍地裂是後西羌大寇涼州

安帝元初元年三月己卯日南地拆長百八十二里明年正

蒼梧鬱林合浦盜賊群起劫掠吏民

順帝陽嘉二年六月丁卯雒陽宣德亭地拆八十五丈近郊

地時李固對策以為陰類專恣將有分離之象所

以附郊地者上帝示象以戒陛下也是時宋娥及中常侍

各用權分爭後中常侍與大將軍梁商爭權作飛語以陷之

晉武帝大康八年七月太廟前殿兩地陷方五丈中有破

船  
惠帝元康四年五月壽春山地陷方三十丈六月壽春山大雷山崩地裂人多陷死上庸郡亦如之八月居庸地裂廣三十丈長一百三十丈水出殺人足昔賈后亂政諸王迭爭卒致五胡之亂

惠帝光熙元年范陽地燃可爨此火疹土也後晉卒以亂亡

後魏孝靜帝武定二年十一月粵西河地陷有火出

祖暄曰火陽精也地陰主也燃月陰之道行陽之政臣下專恣終以自害時齊神武作宰侯景專權河南武崩遂作亂

山川變異占

山崩五行傳曰陰盛陽弱勝強厥妖山崩者離散之象災異書曰山者宰相之位山崩者宰相失職也

劉向曰臣下皆叛有山崩也散落不事其上之象也

春秋運斗樞曰崩山者陰毀失墓春秋考異曰郵山者君之位崩者毀也君失其君為臣所陵尚書中侯曰山崩水潰

納小人也

地鏡曰山崩人君位消不出三年有兵集之京房曰山崩人辟亡又曰其國山崩君失政女戚擅權五年敗又曰邑山崩邑有戰主亡有大水

地鏡曰山春崩其國有伐城夏崩天下大水國主亡秋崩有大兵冬崩大飢京房易妖占曰春山崩國有亡邑有拔城夏崩亡君大水秋崩人主有殃冬崩兵起人飢一曰山崩臣去又曰地以二月崩其邑有戰八月崩兵起十一月崩國主降民徙亡

山無故自陷其地有兵大作

山徙傳曰君不用道祿去公室賞罰自下女主專政是謂皇之不極殿厥妖山徙不出五年有走王

地鏡曰山徙直臣亡佞臣用政出私門不出五年天下有兵社稷亡

山鳴其地大亂賊起

山有声如哭有大兵死喪

山元有声如雷不出一年賊起

山有光臣子不良

山忽生于石上其邑有賊人暴貴

山上忽生大石其邑喪主

山出火熾人是為鬼榮亡國之徵

山石自動自走其地有暴兵

山見葆江于邑有兵狀如人頭赤色

山徙動其地有兵亂起

河鬲地鏡曰是謂陰反不出五年有叛臣兵起民流亡又  
曰河徙一里至三里臣下有謀五里至十里女主執政外  
歲有謀十里以上政在下臣

河忽易道君易賢一曰邑將徙人流亡

河溢不出三年國有憂

水忽自盈兵起君凶且大水

水忽自竭地鏡曰其邑將墟都邑中水無故自絕其邑將徙

人流亡

水忽井壅地鏡曰下臣執政不出六年主后俱亡

池井自溢有亂臣起兵篡國

水忽不流嬪人亂有反臣有亡國地鏡曰流水忽停天

下飢

停水忽流天下兵起水逆流地鏡曰是謂反道不出二年兵

從女主起

河水沸京房曰此執政懷奸不公衆邪並起所致必有  
叛臣

水無故自出高山其邑以兵亡必有水出其地有謀不成市  
有兵起

澤水自鳴地鏡曰百姓哀苦若作吟声其國分裂

澤水忽自無魚君灾秋大水有兵起臣民有憂

土石井邑塚墓雜占

無故壅土如山是謂陽反陰也人君好淫為女子所謀不出

一年有易君

石忽自起立庶士為天下雄立于山為同姓平地異姓立于  
水為聖人立于澤小人

石生于地鏡曰石出方正三公外謀不出三年逞兵起

石無故自移其地有兵乱

石出重壘不出五年相謀逞且成

石生如聚不出五年其邑有兵石生道中其所生邑國亡

石生水中上見近臣謀逞與女主持政不出八年兵起

石生平野庶人與臣謀不出三月見其應

石生廟中人君不行先王法度不出三年易主

石生如人形奸臣持政一曰君無嗣

石生如蜚鳥形内戚女主近臣謀逞

石生作獸形諸侯兵起

石化為人形男絕嗣地鏡曰庶人持政



石化為禽獸形近臣外戚謀反地鏡曰父子道絕  
臣不從令

石忽濕汗汗出如血其地有兵起流血

石忽出水主謀不成

井水涸地鏡曰其邑將墟若井自涸政令不明又曰君井涸  
君將覆

人家井忽自涸其家主有殃

井忽自大自小在國君亡在庶人家亡主人

井水溢在國君凶在邑主者凶一曰兵起

井忽自沸有聲將軍死在邑長吏死在家其主人死

地鏡曰井湧沸宗廟將毀京房侯曰水泉沸賤人將貴  
之兆也

人家井沸其室不居

井鳴君主亡國廢人亡家

井中出氣上至于天兵起國君走在外則其起之地有兵

家災

井忽枯涸在邑空在家亡是謂陰反陽不出二年女子有  
爭為主后者邑廢而枯陂倭人與賢人爭權不出一  
年其邑亡

邑滅而城土與屋同高是謂陰掩陽不出一年天下

俱兵起

邑中冬不寒地水不凍其國易政民飢絕食天下移

塚鳴天下兵起

塚自動天下破

塚樹自死天下易主廢人亡家

周惠王時沙塵山崩刘向以為先是齊桓合諸侯以尊王室

管仲既死而王德日衰天戒若曰霸道將廢諸侯散落

臣下不事上矣及齊桓死天下散而從焚是其徵也

魯成公五年梁崩山雍河水三日不流晋君师群臣而哭

之乃流刘向以為山陽君也水陰民也天戒若曰君道崩

壞百姓將失其所梁山在晋地自晋始而及天下也刘向

歆以為梁山晋之望也國主山川崩竭亡之徵也周必不

復是歲在鶉火至十七年復鶉火于是晋殺厲公

隋文帝大業三年武陽郡河清數里如鏡十二年龍門河又

清後二年而唐受禪

宋高宗紹興十四年五月饒州平樂縣河衝田隴數里十百

頃當零天無雲田水如無物所吸聚為一直西行高平地

數尺不假隄防而水自行里南程家井水溢亦數尺大矯

如長虹声如雷穿墻毀樓二水閉于杉塲且前且却約十

餘刻乃解各返故壑自水閉也

晉安帝元興三年江陵地生毛是後江被壘

梁武帝太清二年九月地生白毛長二尺未几有侯景之亂

晉成帝咸康初年地生白毛孫盛以為人勞之異也

孝武帝大元二年京師地生毛至四年而氏賊次襄國彭城向廣征戍仍出連年不解

魏公孫淵時襄平北市生肉長大各數尺有頭目口喙無手足而動搖淵尋為魏所殺

吳戍將鄧喜殺猪祠神治畢懸之忽見一人頭往食肉喜引弓射之中咋、作声繞室三日是葆江也後人告喜誅

### 叛闔室受誅

晉惠帝元康五年呂縣有流血東西百餘步至元康之末宥亮極亂僵尸流血其應明矣

漢昭帝元鳳三年泰山萊蕪山南洶、有數千人声民視之有大石自立高丈五尺大四十八圍入地尺三石為足立处有白鳥數千集其傍睦孟以為石陰類下民之象泰山岱宗之嶽王者告代之处當有庶人為天子者孟生誅其後帝崩蒼邑王廢宣帝卒起民間為天子

晉武帝太康十年洛陽宮西宜秋里石生地中始高三尺如香炉形後如偃人槃磚不可掘明年宮車晏駕晉遂亂亡

觀象玩占卷之一終

觀象玩占卷之二

日論總敘

日者衆陽之宗人君之象光明外發魄體內全匿精陽揮  
 圍而常滿人君之體也晝夜有節循度有常春生  
 夏長秋收冬藏人君之政也星月稟其光辰宿稟其氣  
 生靈仰其照葵藿慕其恩人君之象也故日主道德養  
 生福祐仁恩人君有瑕必露其慝以告示焉日行于天  
 一晝一夜行一度日出地上謂之晝日沒地下謂之夜  
 一晝一夜謂之一日積三百六十五日有奇而周天謂  
 之一歲日實也言光明盛實也日之先後不可名狀假

如甲子乙丑以異之其行乎天去極近而日長為暑去極遠而日短為寒去二極中而晝夜均暄涼等此其大槩未能尽其微妙故圣人作曆以推步為序之以四時分之以八卦正之以中氣變之以節侯為二十四氣其詳之曆法茲不能載也天文志曰日行有道之國則其色光明人主吉昌百姓安寧其君無德其臣亂國則日為之失色不明日食者陰侵陽臣掩君也有亡國有死君有大水日食見星臣奪其君天下分爭故日有變人君必備德以禳之

日變異占

日變色其分有軍、破無軍喪其侯王

日青無光其下有死王一曰人主失勢京房曰日青色君弱一曰日變色為憂為飢又曰日有青光不出二旬大風糴貴倍十日以上民多病疾不出一年一曰日蒼色臣不忠董仲舒曰占日青無光民相食主去

日色變赤有兵爭京房曰人君不德民背上則日出赤一曰

日赤諸侯恣

日赤無光所臨之國不昌董仲舒曰天下旱兵起

日赤如赭兵車滿野一曰將死于野

日赤如火君喪臣叛其國乃亂春秋感精符曰日赤如炭主

以初急見代

日初出如火影照地赤其所宿國亂亦為有兵流血

日出如血其下君憂臣叛兵後並起

日色變黃土工兵春秋感精符曰闇豎度孽謀奸詐董仲

詔曰日無光山崩地動

日黃濁布散人君有妻黨之孽

日有黃光照地其國土工兵

日色赤黃有旱亦為火災

日色變白有亡諸侯若兩敵相王當則其分軍敗將死春

秋感精符曰日變白色臣下有奸謀四夷動京房曰上微

弱無法制則日白萬物无霜而死又曰臣无勇志天子自

將兵氣蔽日赤鬱快無色

日光芒諸侯叛群禍起乙巳占曰日出一竿無光耀者其

月有王死若有憂若人君宰相不順四時法令刑罰不

當大臣謀離賢蔽能則日無光而見瑕不改其行則其

國五谷不成六畜不生人民縱橫盜賊並起又曰無光

主病一曰主有負于臣百姓多怨又曰日色失所臨之

國不昌又曰日光明威萬物不得視其体犹人君至尊

不可窺踰今日無光人皆見其体貌將有伺察神器

者矣

日出東方二竿亭、無光曰日病日未入西方二竿亭、無光曰日死日病其地分侯王病日死其地分侯王死

天文總曰日病主病日黃色無光是也日死主死朔日、紫色是也以日所宿分及日辰占其國一曰日始出二竿未入二竿色赤无光其分所在有兵喪在春時則為旱灾在六月日至中無光人君不明一曰天下有立王

日久无光天子蔽塞臣擅權國將易

日暗无光天雲尽赤三十日有兵亡五十日兵大起人流亡九十日社稷亡一百二十日、青赤无光或黑綠或如灰色以上皆占之

荆州占曰在正月臣凌君天子憂二月四夷未侵三月未年彗星出後一百二十日名山崩四月天子殺大臣一曰強臣謀主五月南夷為亂後九十日地動山崩中國凶六月未年天鳴地震下達上七月山崩水溢應在衛八月有謀殺主者後一百二十日其國為墟地震九月天子凶未年大蝗夏水灾十月人主失國蛇行人道十一月後九十日天兩赭塵未年十一月枉矢出天下兵起十二月大臣凌君四夷未侵應在九十日內

日無雲不見光三日有大喪有滅國

日昼昏臣叛君甘氏曰日無雲而昼昏群鳥飛鳴國失政

臣勢柄

春秋緯曰后族政則昼昏京房占曰奸臣盛則日昼昧乙巳占曰日昏行人無影至暮不止者上刑急下不聊生不出一年大水下田荒陰雲沉濛日昼昏不見其光者此為陰謀占曰日濛、无光土卒內亂

漢元帝永光元年四月日色青白亡影正中時有影无光是時夏寒至九月日乃有光京房曰美不上人茲謂上弱厥異日白七日不温順亡所能制茲謂弱日白六十日物无霜而死天子親代茲謂不和日白体動而寒弱而有任茲謂不亡日白不温而不動流言公行茲謂不

伸厥異日黑大風起天無雲日光掩下難上政茲謂見過日黑居中大如彈丸時帝優游不斷官豎弄權卒

漢祚

漢成帝元年正月壬辰朔日月俱在營室時日出赤二月癸未日赤且入又赤夜月赤甲申日出如血無光漏上四刻半乃頗有光燭地亦黃乃復京房易傳曰辟不闢道茲謂亡厥異日赤三月乙未日出黃有黑氣大如錢居日中央易傳曰祭天不順茲謂逆厥異日赤其中黑闕善不與茲謂失知厥三失日黃夫大人者與日月合其明故聖人在上總命群賢以亮天工則日之光



明燭耀亡生德則為異應行而變也色不虛改形不虛毀是日五色變足以見矣時內有趙石之寵外有王氏之權漢祚將移之兆也

漢靈帝時日數出東方赤如血無光高二丈餘乃有影且入西方去地二丈亦如之京房曰國有佞諛朝有殘臣則日冥無<sup>光</sup>又曰朝夕無光社稷將亡時帝寵豎宦大殺忠良遂亡漢室

晉懷帝元年十一月乙亥黃黑氣掩日凡所照皆黃五年三月庚申日散光如流血所照皆赤時天下大亂帝卒辱于虜庭

明帝大寧元年正月己卯日暈而無光癸未黃露四塞其占曰人君失明陰陽昏臣有陰謀京房曰下專制之應敦既凌上卒伏其辜

隋文帝仁壽四年七月乙未日青無光八月乃復占曰主勢奪又曰日無光有死亡丁未上崩漢王諒反楊素討平之皆兵喪亡國之死王之應

煬帝大業十三年十一月辛酉日光四散如流血占曰賊入宮主以急兵見伐又曰臣逆君明年三月宇文化及等弑帝諸王及幸臣並被殺

唐太宗貞觀二十三年三月日赤無光李淳風曰日變色有

軍急又曰其軍无德其臣乱國濮陽復曰日光主病

日已入而有餘光赤黃倒映名曰反照其地有叛兵

日中有火氣其國君左右大臣有反者

日生彗五色君有大福天下大穰

日上芒如彗火者國君大昌

日垂芒有戰爭在軍者逃之

日上有黃芒得王色君有福不得王色得囚死色君有憂乙

己占曰日上出黃芒天下攻戰

日生芒角主人兵不利臣謀主不出三日

日有四角不出二年兵飢

日生六角大乱兵起

日垂爪兵起將兵師動

日有白足其氏曰有破國石氏曰有敗軍死將乙己占曰足者日影麗地純白也在軍者言之兆

日赤足主蹙臣相伐日始出有赤足主受伐臣反輔相奪或曰日赤足有彗兵白足有殺諸侯

日有兩足庶雄起却萌曰日生齒足者有反兵

日中有鳥見主不明政乱其分國有白衣會有大旱一曰王者憂之一曰旌旆動將軍出軍退之兵敗將死

日中鳥出在外天下大國受殃哭声沸天

晉穆帝永和八年張重華在涼州日暴赤如火中有三足鳥  
形形見五日乃止是時江左建國胡夷竊掘中華神州  
中陷穆帝幼弱不親國政卒以衰微

陳文帝天嘉七年二月庚午日無光鳥見占曰王者惡之其  
日庚午吳楚之分野四月甲子日有交暈白虹貫之是月  
癸酉帝崩

日載光天下有大殃不出三年

日中有黑子京房曰天下不順其主厥異日中黑有子黑  
氣一曰臣有蔽主明者一曰臣暴君之惡日中有黑子  
乙巳占曰日中有黑子黑雲若青若黃乍二乍三皆為

天子惡之

日中若有飛燕者其下有廢主

日中有如立人者君慎左右

晉孝武帝永寧二年三月庚寅日有黑子二枚大如鴨子十

一月己巳日中有黑子大如雞卵時帝已長而康獻皇后

臨朝戊申日中又有黑子是時會稽王以母弟干政太和

四年十月乙未日有黑子如李至八年十月己酉太子廢

為海西王

日消小所當國君死

日中分其國亡一曰天下分或曰日分為二有徒王叛民一

日裂君死臣爭

荆州占曰所舍國亡又曰日中分為二國主死中分而有鳥居其分爭主死

日輸缺有万人死其下不利先起者

日夜出是謂陰明天下大兵洪水流行一曰君不祥社稷亡却萌曰日夜出有國者亡兵起天下飢以日命國乙巳占

晉曰有物如日非真日也

晉元年大興元年十一月乙卯日夜出高三丈中有赤青珥是時群胡交亂中原板蕩晉之所有江南而已而帝又逼于強臣主威不振舍垢忍辱卒以憂崩

日再出沒國君死兵起主降于臣天下亡

日下而却上國大亂

日失其所政令不行天子失國

日墮地天下分裂天子亡國

晉愍帝建興二年正月辛未日墮于地又有三日相承出于西方而東行五年正月庚子三日並照虹蜺弥天丁巳亦如其數于是帝再蒙塵天下分裂

兩日並出諸侯有謀是謂滅亡天下用兵無道者亡京房曰無道之臣率兵而又曰兩日出天下爭王視其所在之方先者亡

乙巳占曰兩日並出照是謂爭明假主抗衡兩王並爭武  
密占曰日並出主之地陷有大水三日並見天下三分衆  
日並出天下分裂各設治令所行兩軍相當有數日並出  
其下有拔城大戰宜分營以應之

凡衆日並出非正日也有物如日也月亦同之

日閉離而復舍有衆象之氣來相沖擊或白或赤黃或黑  
或綠或五色如珥狀成行隊而相凌突皆為大兵大旱天  
天下大亂天子失國不出三年一曰日閉者鳥出復入  
也有軍在外其下有大戰拔城無軍為兵起國亡

日光相盪天下易主春秋緯曰赤日相盪流血滂君臣縱

### 橫无道

晉元帝大興四年二月癸亥日閉明年王敦反武昌又明年

### 帝崩

日無雲而至暮不出天下大亂天子國亡

日薄凡日食皆在朔而食謂之薄不因日月同宿而別為  
陰氣所掩其占為死君為亡國其灾甚于晦朔之蝕

晉惠帝永康元年正月癸亥朞大赦改元至十七日己卯日

食明趙王倫篡位晉國遂亡夷狄爭雄天下大亂

甘氏曰晦朔之日色赤黃無為薄食其明月旱或月薄  
食日月交道遠不當食忽于晦朔無光青黑色震動

如火照地皆黃是也其占為在國君乙巳占曰非朔而食謂之薄食人君失道賊臣窺伺叛兵將起陰氣盛而掩薄日光也陰侵陽臣凌君其分君凶不出三年兵喪並作家國壞亡

日食占

李淳風曰日依常度食者月來掩之也臣下蔽君之象人君當慎防權臣內戚在左右者其食雖依常度而災害于國大臣人或疑之以為日月虧食可筭食分多少早晚起復莫不先期知之此豈天災之意邪天月毀于天而魚腦滅于泉陰之氣迭相感應自然之理東風至而

酒湛溢東風非故為溢酒來也風至而酒自溢象見于天而災應于下理固然爾有道之君脩德而無咎暴亂之主傲虐而成災譬之陽燧取火專諸取水是也求之而不得感召之理信不誣矣

日食必有亡國死君之災食者如蚕食葉之象陰侵陽下凌上嬖乘夫臣犯君之象也日食則失道國之亡乙巳占曰凡日食為有兵有喪失地亡國皆以食時早晚宿分日辰占之

日食從上起君失道而亡一日子為害

京房曰君知佞人而安用之以亡其國郝萌曰日食上者

青在君色青則弱于任善色赤無礼色黃掩臣善欺其  
下色白弱誅惡色黑失礼于鬼神

日食從旁起內亂兵大起更立天子一曰臣與君爭美一  
曰黎庶為亂兵從其方起從左起多火災從右起君政  
暴天鏡曰日從右食賤女暴貴人君失治兵寇害民起怨  
春秋感精符曰日從旁食臣謀亂

日食從下而上女肆主恣臣下兵師動衆失律將軍當之一  
曰君失民下人為怨

郗萌曰日食從下起色青民相譖有疾疫虫灾色赤衆  
庶上僭強凌弱有旱灾色黃宮室沃侈土工煩兵色白

民之禺中至日入時秦當之日昧至晡時食魏當之晡時  
至日入食燕當之日入至人定時食代當之皆不出三年  
有喪

日食而有氣如虹在日上者近臣犯上甘氏曰近臣謀上  
日食而暈旁珥白雲去掩暎天下大犯臣弑君、失其  
位

日食而旁有似白兔白鹿守之者民為亂臣逆君不出其年  
其分兵起

京房曰日食而有如白兔守之君不能用賢澤不下施則高  
為下、為高斧于衝取

日食而有雲氣風冥暈珥似有群鳥守名曰天雞后妃外戚  
謀易主位数視動靜行其志

日食而有雲如虎守之大臣謀君不出三月遠不過三年石  
氏曰人君九族有伏謀亂君政以自成

日食而有雲如人坐于上者君安居下者民安

日食而旁有黑雲繞之者臣下為君

日食且有火雲下垂民飢賊起

日食而有交暈貫日兩軍相爭後起者勝

日食有珥有雲冲之甲乙日白雲天下大兵丙丁日黑雲天

下大亂戊己日青雲人主死喪庚辛日赤雲兵大作相殘

害有小兵色黑多怨有火災

日食從中起內有伏謀色赤事成色青中止色黃受誅色白

事竟色黑逆謀一曰日食從中起內亂兵起更立天子日

色中青赤而外黃國亡荆州占曰日食從中起人君其妻

同姓國受兵君遇賊又曰日食中主死

日食少半諸侯大臣相逐亡國失地

日食过半天下之主當其灾

日食其半有大喪亡國

日食不尽強國失地一曰相出走

日食其尽君死天下亡夷狄入制中國其氏曰有亡國更立



主

日食見星臣弒其君天下分裂一曰有亡國易姓

日食東方東方之國災食西方西方之國災南北亦如之

日入地而食大人當之

日從地下食出而虧當有大兵視其虧處以占兵起之方

日始出而食是謂棄光齊越之國受兵地亡

日中而食甘氏曰荆魏受兵亡海內兵皆起

日晡而食兵將罷

日將出而食大人出兵燕趙當之

武審占曰日出至食時食宋鄭當之食時至禺中楚當天

下有繫壬癸日黃雲土工與天子憂

日食有四珥從上而下天子起兵從下而上天子大喪

日食而大風地鳴四方有雲宰相專政謀反

日將食而地震裂日色昧而寒乃食者方伯專誅恣行殺害

君不能製

日食已而風起地動大臣專制諸侯有亡君

日食而大寒且在平旦中國大飢賊從四方夷狄為亂諸反

送一曰日食而寒夷狄兵動

日食已而寒天下飢賊盜起

日食而有星墜覆上賦歛煩數下民屈竭君弒國亡

日食而出見天下有大喪

日食而雷國亡

日食而大風亂從中起

日食而陰冥臣蔽主

日四時以王日食人主凶以相日食國相死以囚死日食臣

凌君以休廢日食民多疾疫

京房曰食日王為相為臣因為罪人死為夷狄休為民有

兵從食所未在三年之內有火災

日四時食

春食其氏曰有女喪乙巳占曰年大凶有喪女主亡

夏食其氏曰有兵乙巳占曰有兵戰主死

秋食其氏曰諸侯多死一曰無年

冬食其氏曰相死乙巳占曰多死喪一曰日食春丙丁夏庚

辛秋壬癸冬甲乙日皆為相死春庚辛夏壬癸秋丙丁冬

戊己日皆為殺逆日夏食陽為中國陰為北國是為禍國

之兆

日十二月食

正月日食京房曰大臣死不死則黜黃帝占曰大臣走乙巳

占曰人多病陳卓曰五穀貴齊大凶武密占曰內兵起人

流亡

二月日食人主夫人死亦為大旱石氏曰人多死陳卓曰豆  
貴牛死魯大凶

三月日食黃帝占曰有反者石氏曰大水出陳卓曰牛無食  
六畜死絲綿布帛貴楚大凶武密占曰大旱飢

四月日食人主有過臣有憂石氏曰天下大旱陳卓曰牛無  
食六畜死宋大凶京房曰大臣憂武密占曰旱疫

五月日食諸侯多死乙巳占曰大旱人飢陳卓曰牛死六  
畜貴梁大凶武密占曰兵起北方

六月日食京房曰人主有謀其下國分土一曰外國侵其分  
失土石氏曰六畜貴陳卓曰五穀貴沛大凶武密占曰

大臣死

七月日食黃帝占曰有反者從內起乙巳占曰歲惡秦國惡

之陳卓曰繒帛貴陳大凶武密占曰兵起人流亡京房曰  
大水城壞

八月日食京房曰天下更始期三年石氏曰兵大起兵甲貴  
鄭大凶武密占曰兵飢

九月日食京房曰外人欲自立不成石氏曰布帛貴陳卓曰  
鹽貴韓大凶乙巳占曰女主貴武密占曰飢疫

十月日食黃帝占曰奸臣在朝二人親一人遠凌君喪  
十一月日食王者亡地臣為逆石氏曰魚鹽貴陳卓曰燕

大凶乙巳占曰糴貴牛死武密占曰人畜俱疫

十二月日食京房曰其下有兵黃帝占曰大臣立不成臣謀

君石氏曰谷貴牛死陳卓曰米貴趙大凶武密曰水灾夏

麥不收

日以十二支日食

史記天官書曰日食為不臧食以甲乙四海之外不占食以

丙丁江淮海岱也食以戊己中州河濟也食以庚辛華山

巴西也食以壬癸恒山北土也其下君當之

武密占曰日食子食兵起丑寅卯日皆旱辰日兵起巳日食

火灾午日兵起未日水灾申酉日皆為兵起戌日草木多

灾亥日小人用事

凡日食兩敵相當即從食所擊之勝殺將日食復生日光復

也吾軍居其地擊敵必勝日食不可出軍日方食而出軍

其軍必敗當害氣也日食三虧三復也相侵凌也有兵從

所食處擊之勝假令日食

京房潛潭巴曰占有異同令合之其不同者以干支別之甲

子日北虜有謀不則大水在東方一曰夷狄兵起乙丑日

諸侯之臣欲殺其君在西北兵行不勝後小兵五谷虫傷

一曰大旱

甲子日宰相死不死其欲謀上下相疑

乙丑日太子有憂兵起北方一曰土工興

丙寅日司徒欲謀其君有小旱在東南一曰有旱蝗

丁卯日諸侯欲謀其君在北方有蝗一曰兵動

戊辰日有同姓近臣欲謀其君有地動在東南

己巳日婚嫁謀君諸侯起兵在西南一曰火災

庚午日司徒謀君有大旱在南方一曰有兵火

辛未日司空欲謀君有虫在東方一曰有水滂

壬申日諸侯相殺在東北後有小兵寇盜並行

癸酉日強國天下謀兵起不出其年火兵行始于西方一

曰霑雨數降

甲戌日近臣謀君事竟而戮有小旱在西南一曰草木不

滋王命不行

乙亥日子欲為逞而身死有陰雨天下亂一曰冬無水東

國發

丙子日諸侯相殺兵行在東方後有大水一曰夏霜

為災

丁丑日諸侯近臣謀君在西北方後有小兵一曰三公有

憂

戊寅日異姓近臣謀其君歲旱沸一曰多大風

己卯日東夷欲殺其君有虫一曰多盜

庚辰日君易賢以剛辛以自傷後有水在東北方一曰兵  
旱

辛巳日諸侯外親謀君兵行在西北一曰后宫有謀

壬午日三公與諸侯相賊弱其君三公失國後有旱且水  
一曰久雨

癸未日主上侵下臣謀其君在東有小虫一曰仁義  
不行

甲申日司馬送有小雨在晉一曰四月兩霜

乙酉日君弱臣強司馬將兵反征其王一曰賢人遠

退

丙戌日同姓近臣不臣後有大旱火從天墜一曰訟多冤  
者

丁亥日君臣無別司馬牧民司徒將兵有虫在西北方一  
曰有匿謀

戊子日妻欲害夫九族夷滅後有大水在東方一曰營中  
有憂

己丑日婚嫁有謀小兵在西方一曰下民憂

庚寅日有謀反者敗戮有小旱在東南方一曰將相灾骨  
肉相殘且有水

辛卯日天子微弱諸侯謀君反受其殃有虫在東方一曰

臣伐主

壬辰日諸侯謀逆後有大水東方一日河水決

癸巳日諸侯相伐一日權不一人專政令亂

甲午日南夷弑君後有大旱一日虫灾

乙未日君責衆庶暴虐民背叛有地動

丙申日君暴亡臣橫恣上下相殘有大水一日諸侯反叛

亂夷狄內侵歲旱

丁酉日諸侯之臣謀其君事敗後有兵大起西方一日諸

侯王侵

戊戌日婚嫁謀逆有旱馬騾運一日后妃憂

己亥日主弱小人持政

庚子日庶子謀嫡不成後大敗天子疑

辛丑日賢人微小人盛人主危一日君疑臣三公有免黜

者

壬寅日諸侯謀逆以亡其國有小旱在東南一日大臣驕

恣天下苦兵

癸卯日諸侯不順天下有亡國有虫一日外國伐主

甲辰日王侯后爵命絕有水

乙巳日諸侯上侵以自益近臣竊盜以為積人主不知一

曰東國起兵

丙午日親戚爭嗣同姓有親大早在南方一曰民多流亡  
丁未日司徒不道執政有虫有地震一曰王者憂之

戊申日臣謀君後有小水一曰地動諸侯爭

己酉日西夷有弒君有大兵西行

庚戌日司馬之臣謀逆有小旱一曰臣下相侵

辛亥日有虫害司馬之臣謀逆自敗一曰臣憂

壬子日同姓諸侯任政者不臣一曰女主憂后宮有

謀者  
癸丑日寇盜行兵君主不明一曰水滂為災

甲寅日同姓大臣有謀有旱一曰相親戚相叛

乙卯日權臣專政不出三年誅有虫一曰雷不行霜不殺  
物奸人入君宮

丙辰日帝命之極武王乃得一曰山水大出

丁巳日司空擅命行兵一曰旱災

戊午婚日嫁執政賊由妻始後有大旱傷谷

己未日臣不安居群陰謀地大動一曰其王失土

庚申日骨肉相殘有水一曰夷狄內侵

辛酉日昆弟相殺更有國家後有兵三年不息一曰奸邪

欲起奸謀至

壬戌日諸侯謀叛在西南一曰小人用事



癸亥日天下命終聖人更起有大雨水一曰王者憂

日食春甲日夏丙日四季戊日秋庚日冬壬日皆為天子惡之

日食春乙日夏丁日四季己日秋辛日冬癸日皆為王后惡之

晦日食大臣執政一曰臣專主命

日月俱食有亡國月先食陰國當之日先食陽國當之食陽君主凶食陰女主凶

漢高帝三年十月甲戌晦日食在斗二十度占曰燕地也後二年燕王藏荼反伏誅之盧綰為燕王後又以及馭

漢惠帝七年正月辛丑朔日月食在危十三度占曰正月朔日是為三朝尊者惡之五月丁卯先朔一曰日食几尽在七星初刈向曰占五月微陰始起而犯至陽其占至重其十月宮車晏駕而有呂氏詐置嗣君之害京房易傳曰凡日食不以晦朔日者名曰薄君誅罰不以理或賊臣將暴起日月雖不同宿陰氣盛薄日光也

明帝永平二年八月晦日食在氏三度氏為宿宮是時帝作地宮又八年十月壬寅晦日食既在斗十一度占曰斗吳也後二年廣陵王荆反自殺應廣陵吳分也又十六年五月戊寅晦日食在柳十五度占曰五月戊午時

王之日猶十一月甲子也又宿在柳為京師其占重後二年明帝崩

章帝初建五年二月庚辰朔日食在壁八度是時群臣爭執多相非毀者

和帝永元四年六月戊戌朔日食在七星二度占曰七星衣裳又曰行近軒轅左角為太后是時月十九日上免太后兄弟竇憲等官遣就國還嚴能相于國戚迫自殺又十二年秋七月辛丑朔日食在翼八度荊州宿也明年冬南群蠻夷反為寇

安帝永初五年正月庚辰朔日食在虛八度占曰正月朔王者統事之正日也虛空明也是時鄧太后攝政帝不得行事蠻夷並起為寇西邊諸郡皆至空虛

元初元年十月戊子朔日食在尾十度尾為後宮繼嗣之室也是時上甚幸閔貴人明年四月立為后卒諡太子廢之

又六月十二月戊子朔日食既尽如昏在頊女十一度占曰女主惡之後二年鄧太后崩

桓帝元嘉二年七月二日庚辰日食在翼四度占曰日食庚辰君易賢以剛卒以自傷翼又倡樂時帝信任官殺戮忠良以傾漢室人好音樂撫琴而太息曰善哉為

琴若此一而足矣

永興二年九月丁卯朔日食在角五度鄭宿也十一月泰山盜賊群起劫殺長吏泰山于天文屬鄭

延喜八年正月丙申晦日食在營室十三度占曰女主惡之其二月癸亥鄧皇后坐醢酒上送暴室令自殺之日陽不克將有水害其八月六州大灾渤海大盜起

靈帝喜平二年十二月癸酉晦日食在虛二度是時中常侍曹節王甫專政帝為虛位矣

光和元年十月丙子晦日食在箕四度箕為后室又主口舌是月上听讒廢皇后宋氏

後魏莊帝永安二年十月乙酉朔日在地下日出而虧從西南角起占曰西夷反後有大兵西行三年三月壅州吏天光討萬爾末俟醜奴蕭宝寅于安定送京師斬之

日與月星並見

日月並照中國有兩主立又曰天下兵起又曰妃后專權擅政有殺逆夷狄內侵京房曰日月並照走謂並明兩主爭立又曰君臣爭明兵起國亡天下大飢荊州占曰天下有國者亡

洛書甄曜度曰月右角有星奸臣在西宮中左角有星奸臣在東宮中月上有星奸臣在南宮中月下有星奸臣在後

宮中月兩角俱有星為奸者敗河圖曰星出月陰負海國  
勝出月下光相接其國君死人飢

大星與月同光臣弱一曰大臣爭執女主爭明

日月行道

天文志曰日有中道月有九道中道者黃帝一曰光道非  
天之本有是也道因日之行而強名之爾日行不可指  
而知故以二至二分之星為候焉漢志曰黃帝北至東  
井去極近南至牽牛去極遠東井至角西至婁去極中  
此二至二分之所在也日去極遠近難知故以晷測之  
夏至日在東井其所行之道最北而近北極其晷極短

立八尺之表而景尺有寸八分晷之長極于是為冬至日  
在牽牛其行之道最南而遠其晷極長立八尺之表  
而景丈有三尺一寸四分晷之短極于是為春秋分日  
在婁角所行之道在兩極之中其晷不長不短立八尺  
之表而景七尺三寸六分晷夜于是乎適均焉日陽也  
陽用事則日進而北晷進而長陽勝故為溫為暑陰用  
事則日退而南晷退而短陰勝故為涼為寒此歲時氣  
節之常然晉葛洪則為黃道與赤道東交于角西交于  
奎南至斗北至井唐志又謂黃道春也赤道去極九十  
一度半弱如黃道赤道二十四度則得一百一十五度

半弱也王奕曰日道居中五星循左右而行故日道獨謂之黃道焉

天文志曰按戰國以後古曆廢壞漢世始推月行九道然  
猶未驗其行之遲速也漢末劉洪作乾象曆復行推月  
行遲速然交食之法猶未詳著大抵朔望值交不問內外  
八限便食至陳世張賓創立外限然應食不食亦未能  
明惟隋張胃元獨得其妙以為日行黃道月道交絡黃  
道外十三日有奇而入經黃道謂之交朔望去交前後  
各五十度已下即當食若月行內道在黃道北食多有  
驗月行外道在黃道之南雖遇正交無由掩映食多不驗

交食之法至是始精隋書曰月陰精也日光照之則見  
日光之所不照至日魄故望日日月相望人居其間只見  
其明故形圓二弦之日月照其側入視其旁故半明而半  
魄晦朔之日日照其表人在其內故不見行也張衡曰對  
日之衝其大如日月光不照謂之闇虛闇虛值月則月食  
值星則星亡月望行黃道值闇虛故食值之有表裡深淺  
故月食有南北多少沈括曰食當日道自外而入于內  
則食起于西南復于東北自內而支出于外則食起于西  
北復于東南在交東則食其內日自外而交入內則食起  
于東南復于西北自內出外則食起于東北復于西南月

在交東則食其外月在交西則食其內食槩則起于正東復于正西交道每月退一度餘凡二百四十九交而一期故西天法羅喉計都皆逆步之乃古今之交道也初謂之羅環交中道謂之計都

觀象玩占卷之二終

觀象玩占卷之三

月論總敘

月者太陰之精積而成象魄有含影稟之日以照夜明以配日女主之象比之君德刑罰之義列之朝廷諸侯大臣之數故近日則光斂狃臣近君卑在屈也遠日則光滿為其守道循法蒙君榮華而体勢伸也當日則食狃臣僭君道而禍至復殘滅也盈極必缺示其不可久也行狃弦望晦朔遲疾陰陽政刑之等威也日一日行一度月一日行十三度一千三百四十分度之四百九十四此平行之大率也人君有道人臣奉法則月行度臣執權則月行失道大



臣用事兵刑失理則月行乍北女主外戚擅權則月行或進或退此其大畧也若夫推求晦朔弦望等術皆著于曆法此不勝載獨取其占焉

月變異占

月变色其國有殃青為憂為飢赤為兵白喪為旱黑風為旱又日月变色將有殃

月始生而色青其分有疾五谷貴赤色其分君憂色黃其分有立王色白其分下地動色黑其分有水

月滿而色赤為兵為旱

月色赤如赭大將死野

月二十八日色黃客有憂

兩軍相當月生而色黃主人受其殃河圖帝覽嬉曰月入而黃主人受殃月出而黃赤客受殃三日不復主戰不勝

月无光臣作亂其下國有死王一日君令不行民飢國憂乙巳占曰人君宰相行事不順四時刑罰不中黜賢蔽能則月无光不救其行五谷不成六畜不生上下不從盜賊並起或曰月无光戰不勝京房曰月无光臣下作亂教令不行民飢國亡

正月、无光兵起人多死

二月、无光有灾異事

三月、无光水灾

四月、无光大旱

五月、无光有火灾旱

六月、无光六畜贵

七月、无光虫灾岁凶

八月、无光兵起

九月、无光布帛贵

十月、无光六畜贵

十一月、无光鱼盐大贵

十二月、无光五谷大贵

若九月至十二月、皆不见光明谷大贵

月生而无光其下多死亡

月晕而无光是谓大盪其下有兵丧

允攻城月小而无光其城降月大而光其城不降

月光如张炬其下国立王

月尽明奸邪并作君臣争明主女失行陰國兵強中國乱飢

謹天下謀僭

乙巳占曰月昼明臣将与君争能人君宜黜強臣去奸佞

親忠直絕女謁則禍不至矣

月生三角其中縲、如縲布状其野虛兵尽出在外主人不

勝

月出非其所行之路皆女主失行奸通内外陰謀小國兵強

中國民飢下欲僭權

月出地中廢人出為天下王

月生正偃天下有兵、合无兵人主凶一曰無兵則兵出一



曰月初生而偃有水合子主人主也一日無文傾文出一

月始生正仰天下有兵、合无兵人主凶

月始生而南向糴貴在其月有戰則南方勝一日月生而向

陰國亡地又曰南國有兵

月始生而上大者上旬糴賤下大者下旬糴賤

月初生已半女主強又曰陰國利

月初生小而形廣大者小灾

月初生而見東方天下兵起初生而見南方米貴在其月

月初生而盛明女主持政

九月生三日而始見三日不見至七日而始見天下兵起

十五日始見國滅

允大月八日昏中小月七日昏中過度有兵不及度有

喪

漢成帝建始元年八月戊午晨漏尽三刻有兩月重見京房

易傳曰婦貞厲月几望君子貞凶言君弱而嬖為陰所乘

則月並出是時帝寵趙氏政歸外戚漢祚遂亡

晉安帝隆安五年三月甲子月生齒占曰有賊臣桓温篡位

之徵也

羨熙九年十二月辛卯朔犹見東方是時刘裕輔政威刑自

已反匿之應云

梁武帝太清二年五月兩月相承如鈞見于西方占曰其國  
亂必見于亡國是時帝為侯景所幽卒以憂崩

簡文帝大寶元年正月丙寅月昼光見于東方占曰有隱謀  
國雄起又曰奸邪並作擅君之朝其後侯景篡弒

隋煬帝大業九年正月二十七日有兩月見于東方相去二  
尺許在箕斗之間俄而楊玄感起于黎陽朱粲管崇殘  
賊江南天下自此大兵交作兵賊相掠國遂滅亡

唐肅宗開成四年閏正月甲申朔乙酉月在營室正偃魄有  
咸暗占為臣下專之象

月薄女主憂大臣失所志曰凡軍行而遇日月薄宜收軍爾  
有謀反無交而食月薄或近望陰氣侵迫赤黃无光者隱  
氣薄月也

月無雲而滅昏暗謂之夜宜人君昏耗不明之象法令不行  
將有死亡之兆若雜以殺氣寒慘者必有大咎三日內有  
兩則不占之

### 月食占

月食者陽侵陰臣下有咎董仲舒曰臣行刑執法不忠怨氣  
所積則月為之食月宿食之其國貴人死或曰月食則粟  
貴

荊州占曰月食則失刑之國當其咎又曰月食人主宜嚴號

令乙巳占曰九月食其鄉有拔邑大戰之事凡師出門而  
月食當其國之野軍大敗將死

月食盡君有殃食不尽臣當之

月食中分不出五國兵憂乙巳占曰月食尽无光其分君死

月食不尽光輝散臣憂之

月食大半以上大水以日支占國

月食以旦太子當之

月食以尽夕君主當之

月食起南方男子惡之起東方少壯者惡之起北方女子惡  
之起西方老者惡之皆為疾疫死亡

河圖帝覽嬉曰月食從上始謂之失國其君當之從旁起

謂之失令相當之從下起謂之失律將軍當之又曰從上

始

月食而青色人多死五谷傷赤色君為客不出一年黃色有

之諸侯國者白色其國有喪或失地其食尽者五谷貴其

分國當之一曰月已食而色青為憂赤為兵黃土工白喪

黑水

月食東方其月中有惡風月食西方主人利

月食而赤如血有反臣

月食而閉且暈國君惡之有軍必戰無兵軍退一曰隨所

食伐之利

月食而有氣從外來入月中主人不利從中出外者客不利  
氣從南行南軍不利行北之軍不利東西亦如之氣所止  
之方敗也

月初生而食將敗于野

月初生三日而食是謂大殃其國有喪十日至十四日  
天下兵起女主凶

月不望而食或望後食其國大水溢大臣死后妃有憂以日  
占國月食望前天子弱大臣強不能立功成大事又日月  
未盈而食陰道消女主憂過盈食尽宮中有憂

月食而有暈氣色蒼虫蝗生大臣灾有大水民灾以日辰占  
其地

月春食歲惡將軍死國憂一曰谷貴荊州占曰月孟春食賤  
人當之仲春食貴人當之季春日人主憂

夏食早一曰國有大憂一曰虫生秋禾不成

秋食兵起一曰边有兵民不安西方灾

冬食其國飢有女喪一曰將有憂一曰春多滂女主憂

己上皆以日辰占其野

月春食東方夏食南方秋食西方冬食北方皆以其方兵起  
武密占曰月正月食有灾旱一曰賤火齊國惡米貴

二月食貴人病魯國惡六畜災

三月食大人憂楚國惡絲綿貴

四月食人飢周國惡

五月食梁國惡六畜貴

六月食旱沛國惡六畜貴

七月食兵起陳國惡絲綿貴

八月食兵起鄭國惡魚鹽貴

九月食兵起韓國惡

十月日兵起衛魏國惡

十一月日女主喪起燕國惡

十二月食有大水秦國惡

月以甲乙日食年多魚禾麥傷丙丁日食年豐戊己日食下

田凶庚辛日食高田凶壬癸日食歲和

又曰戊日月食大臣下獄亦曰大臣死又曰有自縊死者

又曰己日月食山崩壞城郭大水溢內臣黜后不安臣災

皆以日支占其分

月食在辰巳地來年麥傷

月食在未申地秋稼凶

月食在戌亥地女主當之

月食地中出而虧天下大飢

兩月並日天下大亂

月食在子午卯酉地大水損禾稼壞城郭有疾疫以日辰占其分國

凡月食無兵在外殃在其國兵將起而月食所當之國戰不勝若有軍在外而月食其鄉有大戰拔城月食而出軍其軍必敗月食而出戰軍敗亡邑食尽將死食不尽軍敗將不死荆州占曰軍在外而月食將还其國戰不勝月食者尽軍歸不尽軍自止凡用兵從食處擊之勝

月食有星入于魄中兵起

月食尽在陽日占在大臣陰日占在妃夫人

凡月生三日無魄其月必食

月行與木同宿而食粟貴民相食農官憂

月行与土同宿而食國以飢亡

月行与火同宿而食天下破亡有憂

月行与金同宿而食強國戰不勝亡城大將有二心

月行与水同宿而食其國有女乱由是而起

月五星干犯占

月犯歲星其宿國飢晉志曰其分歲飢人流黃帝占曰刑獄

煩多盜賊一曰有边兵一曰其分主死又為民疫一曰相

齊凶

月乘歲星相死有大戰其野有拔城一曰其分主死

月与歲星会其年有疾疫

月与歲星犯有流民不出十二年國以飢亡

月与歲星同宿而食粟貴民相食農官憂一曰女主凶有

大戰

月与歲星同光國以飢亡一曰臣強臣成曰相死國飢三年

一曰其国且以女樂亡

月食歲星軍飢一曰大臣飢誅一曰邦主人相食

月吞歲星其國敗亡不出十二年

月食歲星而暈女主凶其国大飢有大戰

歲星八月相食星以妃黨之譖相去一曰不出一旬天下有

大灾粟大貴不出三年天下亡徒為乱有野兵荊州占曰

臣弑君

歲星食月有大喪女主死臣為送國易主

歲星犯月其野逐相

歲星番君正臣忠国昌

歲星逆行月法令散

晋惠帝大安二年十一月庚辰歲星入月中占曰臣犯君有

逐相其後左將軍陳昉奉帝伐成都王敗績兵逼乘輿

後二年帝崩

成帝咸康五年四月辛未月犯歲星在胃占曰國飢人流又  
乙未歲星犯在昴其年八月在河南邢城之敗百姓流亡  
者萬餘家

孝武帝太元十九年四月乙巳月食歲星在尾為燕分又占  
曰為飢燕國亡明年慕容垂遣兵伐魏大敗死者數萬人  
垂死燕遂亡

穆帝永和八年十二月在東井犯歲星是時桓温伐苻  
堅于長安又升平九年十一月壬午月掩歲星在房  
房為豫州二年閏三月乙亥歲星在房二年豫州刺史謝  
萬薨敗

哀帝興寧三年正月乙卯日月掩歲星在參為益州六月  
鎮西將軍益州刺史周抚卒十月梁州刺史周勳入益  
州以叛朱序討平之

安帝元興三年二月甲辰月掩歲星于左角是年三月刘裕  
起兵殺桓玄等明年遂滅桓氏

安帝義熙七年六月庚子月掩歲星在畢八月乙未月犯歲  
星在參八年正月庚戌月又犯歲星在畢其年七月朱齡  
石伐蜀人尋反後又討平之九年三月西羌反

南朝宋孝武大明五年十月入太微西蕃犯歲星後三年  
孝武帝崩



後魏帝始光三年正月歲星食月在張四年六月帝攻赫連昌于統万大破之

梁武帝太清十四年九月戊午月掩歲星在斗後侯景篡位北齊武平三年十一月辛丑月食歲星後七年齊亡

唐玄宗天寶十四年八月食歲星在東井東井京師也明年長安失守

月犯熒惑有亂臣一曰女主憂

荊州占曰戰勝之國大將死一曰其國有兵貴人出巫咸曰有兵戰小吏死一曰天下有灾女主憂一曰貴人以兵死

京国内乱

月犯熒惑而暈或食天下破亡地太半將軍憂期三年

月吞熒惑其國破敗

月犯熒惑貴人死

月食熒惑國亂兵起有白衣之聚一曰相及太子當之一曰

有内乱帝不終武密占曰為飢亦曰相死荊州占曰天下

滅亡河圖帝覽嬉曰其國以兵飢亂亡

月掩熒惑其地大敗合其宿王國死海中占曰其國人傷不

可起兵荊州占曰月与火合光芒相及其宿國亂又曰天

子憂

月嚙熒惑其分國軍破敗

月与荧惑合其宿國主死海中占曰其國貴人傷有内兵荆  
州占曰日与火合光芒相及國有内乱三年不解又曰其  
國太子死

月与火同宿而食月在火北禾不熟在火南果不实在火東  
天下默：在火西其分兵飢一曰有大戰

月与荧惑同光有叛臣内乱且飢

荧惑食月諛臣貴后宮女主有害又曰國敗

荧惑犯月有乱臣一曰諸侯有謀

荧惑入月及近月七寸已内人主惡之一曰主信諛邪人用

一曰荧惑入月憂在宮中有盜賊一曰有乱臣在側

### 相死

黃帝占曰有兵喪海中占曰以戰不勝荆州占曰臣叛主一

曰其分兵且旱不出五月一曰女戚為政天下乱逆行則

### 灾太甚

荧惑触月上角宰相憂中央主君憂下角將軍憂

荧惑貫月陰國乱其國貴人兵死國可伐不出五年國亡又

曰荧惑入月女親為政天下乱

漢宣帝地節元年正月戊午夜月食荧惑在角亢占曰

憂在宮中非賊即盜也有内乱諛臣在旁後四年霍氏

謀反伏誅

晉孝武帝大元十二年二月熒惑入月占曰有乱臣死若有相戮者是時琅琊王輔政王妃從兄王国宝以姻昵受寵袁悅等交始相扇揚朋黨殺悅由此有隙乱禍皆起十八年正月熒惑入月二十一年九月帝崩衆言張夫人殺逞又王国宝邪狡卒伏其辜

後魏元興四年閏三月庚申月犯熒惑在昴七月食熒惑占曰兵起五年詔澤氏刘自號征東將軍

陳宣帝大建十年十月癸卯月食熒惑在斗占曰国敗君亡大兵起破軍殺將明年三月昏暝徹敗于吕梁被擒十三年帝崩

唐武后長安四年熒惑入月歲餘張昌之兄弟被誅

月犯鎮星女主喪敗一曰有黜后一曰為亡地不出十二年国以飢亡一曰天下有大喪荊州占曰其国貴人以兵死天下乱一曰天下先奉事者敗若天下有大風之灾

月食鎮星其地人民流亡女主憂又曰為兵飢為喪一曰其国以伐亡一曰以殺而亡

天官書曰下犯上一曰民流千里一曰国以女乱而亡

月乘土星地動不則天裂

月與土星合其下国飢

月与鎮星同光以其月食一曰且以有移徙亡者若星動搖其下亡地

鎮星入月中臣殺主一曰不出四十日有土工事乙巳占曰貴人絕无後一曰女主死一曰王者當之

鎮星貫月国内亂不出五年亡

鎮星食月有喪女主凶

漢宣帝建始四年十一月乙卯月食鎮星不見時在輿鬼西北入九寸至河平元年流民入巫谷閔

晋安帝隆安四年正月乙亥月犯鎮星在牽牛占曰吳越有兵喪女主憂六月乙未月犯鎮星在牛至七月太皇

皇后李氏崩又元興元年孫恩破會稽七月大飢人相食

唐憲宗元和三年三月乙未鎮星食月在氐星見月中其分野在東平李師古地也未几師古死

月犯太白有兵大戰一曰將有二心一曰人主惡之荆州占曰月犯太白天下靡敗

河蜀帝覽嬉曰強侯作難以戰不勝一曰太白与月相犯国多死盜

月食太白強国以戰亡亦曰其分主死荆州占曰臣殺主亦受誅一曰主国君亡

月掩太白王者亡地

月戴太白有猝兵期五日

月吞太白其分有兵戰國亡

月与太白合宿太子憂主

太白出月下光芒相及君死民流

月生三日刺太白之陽國勝小邑損月生三日刺謂之不

及生不有破軍必有屠城北國當其殃

巫咸曰月未盡三日候太白晨出東方在中月北國不勝海

中占曰負海勝在月南中國勝負海國不勝

月与太白同出城守者賣城宜更其守者

月与太白會月在南國凶在北國凶

月与太白同光其日月食其下兵亡

太白与月爭光大戰相去五寸有拔城二寸軍憂三寸天子

罷相去六寸天下有兵三寸有憂城一寸有拔城五尺以

外無咎

太白食月易大將一曰將死一臣犯主

太白入月中其國戰不勝亡地海中占曰不及九年國以兵

亡主不成又曰內有惡又曰軍出主將死又曰太白入月

中而不出客將死出者主人死

郝萌曰國失政大臣作亂武密占曰太白入月中而不見客

將死其星見主人將死星入月而見光死軍則大將軍當

之乙巳占曰太白入月不見星臣為逆

月弦太白入弦中侯王死

太白犯月刑理失中自毀其法

太白貫月期不出六年國有大兵戰敗亡地一日國以女亂

亡

月生三日候太白夕出西方与月相並中間容一指軍在外

期十日有破軍死將客勝客二指期十五日有破軍死

將客勝一曰主人小勝客三指期二十日有破軍死將客

軍容五指三十日軍陳不戰

月尽未三日候太白晨出東方与月相並中間容一指入月

三日有破死將主人不勝失地容二指入月九日主人軍

大敗失地容三指入月十五日有破軍死將主人亡地容

四指入月二十日客軍大敗容五指入月二十七日軍不

戰其法開一目奉指準之

太白始夕見西方在月北為得行在月南為失行用兵先起

者敗巫咸曰入月三日候太白夕出西方在月南中國戰

勝負海之國敗在月北負海之國勝中國敗秋冬入月三

日太白西方居月北君強居月南君弱

太白始晨見東方在月南為得行在月北為失行是謂反生

不有破軍必有屠城北國當其殃無軍在外以月生三

日夕候太白出西方以月尽三日晨出候太白出東方  
与月相並容三指其国有兵憂容二指有城憂一指有偏  
將戰

海中占曰太白出月右陰国有謀月挾太白諸侯將相不  
相親

漢明帝永平十五年十一月乙丑太白入月中後三年帝  
崩

晉元帝大興三年十一月乙未太白入月在斗其後有王敦  
之亂

三月暈五星

月暈五星其国主死武容占曰此謂五星相近而月暈尽之  
也

凡月暈五星皆為兵星色明容勝不明主人勝暈色明亦如  
之不明亦然

月暈圍木人主病大水傷五谷一曰女主死一曰粟貴人相  
食一曰兵起一曰有赦一曰天下有女子之憂一曰其国  
主不安

月暈歲星三復之相死一曰相臣戰不勝死五復之国君即  
死

月暈木星在氐有赦令

月春暈歲星而其分主死國以亂亡

軍在外月暈木色星赤客勝主人戰敗

月暈木星而食天下飢有大戰女主凶月食木星而暈亦如之

月暈圍火星女主凶一曰星所守國主亡一曰兵在野大戰无兵大起一曰客兵入境寇掠三復之其國相死復之君死

月暈火星而又犯之將軍憂亡

月暈火星而攝提在中天橫行天下大亂諸侯分政有兵与上爭立者

月暈火星而食其分國飢月食火星而暈亦如之一曰其下有破軍亡地太半將憂期三年食尽主者惡之

月暈圍土星其國有土工主失勢巫咸曰其國主死天下旱

高宗占曰所在之國兵起戰不勝一曰后死不則亡地三復之相死土工大動兵起女主憂五復之國君死

月四季暈鎮星而其星色昏其分主死于亂

月暈土星為兵而食為兵喪女主死其分土工與月食土星而暈亦如之

月暈金星而月食有兵大戰國亡一曰大將有二心月食金



星而暈亦如之

月秋暈太白而星色惡其分主死國亂

月暈水星所宿國有水災再合再解其國敗主死

海中占曰月暈水星在春大早在夏主死在秋大水在冬

大喪河圖帝覽嬉曰月春夏暈水星民為寒熱疫在秋

冬有憂兵起不即有大水憂主死

月暈水星再其國兵敗主死

月暈水星在角亢二重連環大臣有謀主者

月暈水星而食為大水飢有女亂月食水星而暈亦如之

月冬暈水星色明其分主死國亡

凡月春暈木星夏暈火四季土秋暈金冬暈水而其星色

惡者以為其國之分主死國大凶

凡月五星諸占多以為凶而間有言吉者

乙巳占曰月暈土星所宿國有福德而亦自与其上下文相

戾而畧例中又以月暈木星為國大瑞今詳例一書中

多可疑必是後人雜以偽文欺罔庸主次非李淳風真

本但乙巳正占必有旨意大抵現象在于察色若暈得

正色或五色相生鮮明潤澤而月与星皆不失常色光明温

潤大小相承色不違時行不失次則為吉无疑若月色昏

昧星色異常進退舛差芒角猛怒暈枯燥刑剋暗如死灰

則當以凶禍言之要詳審而已  
流星客星犯月

流星入月中而无光兵流星入月而有光不出三年有亡

国星出則復立又曰使星入月女主病疾又曰君失地

又曰將軍戮死荆州占曰奔星八月臣有謀流星落月

上下其国乱客星八月臣害主月下其賊星多者賊多

也

彗星犯月

彗星入月中兵大起期十二年大飢海中占曰彗星入月而

月无光不出其年国亡星入而即出則亡国復立

彗星触月臣叛主

彗星贯月臣謀主

彗星出月上兵起将死一曰四夷未侵

觀象玩占卷之三終



